

2016

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
OPĆINSKI NAČELNIK**



PROGRAM RADA OPĆINSKOG NAČELNIKA ZA 2016. GODINU

SADRŽAJ

I - UVOD	3
II - AKTIVNOSTI NA UNAPREĐENJU FUNKCIONISANJA OPĆINSKE UPRAVE	3
III – RAZVOJ PODUZETNIŠTVA I ZAPOSŁJAVANJE	4
IV – KAPITALNI PROJEKTI I FINANSIRANJE ZNAČAJNIH PROJEKATA.....	5
V - ODLAGANJE SMEĆA – ZAŠTITA OKOLIŠA	5
VI - OBJEKTI SPORTA I REKREACIJE – IZGRADNJA I NJIHOVO ODRŽAVANJE	6
VII - JAVNE MANIFESTACIJE	6
VIII – PROGRAM RADA OPĆINSKIH SLUŽBI.....	6
1. SLUŽBA ZA OPĆU UPRAVU I ZAJEDNIČKE POSLOVE	6
2. SLUŽBA ZA BORAČKO-INVALIDSKU ZAŠTITU I DRUŠTVENE DJELATNOSTI	7
3. SLUŽBA ZA PROSTORNO UREĐENJE, STAMBENO-KOMUNALNE POSLOVE I OBNOVU	9
3.1. Oblast urbanizma i prostornog planiranja.....	9
3.2. Stambeno-komunalna oblast	10
3.3. Oblast saobraćaja	10
3.4. Zaštita okoliša.....	11
4. SLUŽBA ZA GEODETSKE I IMOVINSKO – PRAVNE POSLOVE	11
5. SLUŽBA ZA FINANSIJE I INSPEKCIJSKI NADZOR.	12
5.1. Odsjek za finansije.....	12
5.2. Odsjek za inspeksijski nadzor	13
6. SLUŽBA ZA PODUZETNIŠTVO, LOKALNI RAZVOJ I INVESTICIJE	13
6.1. Odsjek za planiranje lokalnog razvoja i investicija	14
6.2. Odsjek za poduzetništvo i poljoprivredu.....	15
6.3. Odsjek za lokalni ekonomski razvoj i projekte	16
7. OPĆINSKA SLUŽBA CIVILNE ZAŠTITE	17

Na osnovu člana 15. Zakona o principima lokalne samouprave u Federaciji Bosne i Hercegovine («Službene novine FBiH», broj: 49/06 i 51/09) i člana 38. Statuta općine Srebrenik («Službeni glasnik općine Srebrenik», broj: 1/08) Općinski načelnik donosi:

PROGRAM RADA OPĆINSKOG NAČELNIKA ZA 2016. GODINU

I - UVOD

Program rada Općinskog načelnika za 2016. godinu sadrži osnovne zadatke i aktivnosti koje direktno proizilaze iz Ustava, Zakona i Statuta Općine Srebrenik. Osnovni principi postupanja i rada u 2016. godini temeljiti će se na obavljanju i vršenju poslova iz domena lokalne samouprave, definisanim Zakonom o principima lokalne samouprave u Federaciji Bosne i Hercegovine, izvršavanju Zakona i sprovođenju općinskih Odluka te što boljoj i kvalitetnijoj saradnji izvršne vlasti – općinskih službi/sektora sa Općinskim vijećem, institucijama i organizacijama, udruženjima, privrednim subjektima i građanima naše Općine.

Treba napomenuti da je pored pomenutih ustavnih, zakonskih i statutarnih osnova, ovaj Program rada općinskog načelnika za 2016. godinu zasnovan i na strateškim dokumentima Općine Srebrenik: Strategiji razvoja Općine Srebrenik 2011-2020, te Lokalnom ekološkom akcionom planu Općine Srebrenik 2012-2017 (LEAP).

Rad Općinskog načelnika i općinskih službi/sektora u svojoj konačnici znači i djelovanje u interesu stanovništva općine što podrazumjeva i visok stepen odgovornosti. Po svom karakteru, ovo je planski akt, što znači da će se sve aktivnosti koje budu predmet ovog akta predvidjeti, te da će njihova realizacija zavisiti od objektivnih okolnosti koje budu prisutne u datom momentu. S obzirom na to da je riječ o planskom aktu, cilj je kvalitetno, precizno i realno planirati, uzimajući u obzir i sve moguće objektivne okolnosti, prije svega opće društvene teškoće i smanjen priliv budžetskih sredstava, kao najvećim izazovima sa kojima se Općina Srebrenik uspješno nosi već nekoliko godina.

Programom rada Načelnika za 2016. godinu utvrđuju se strateški pravci i opredjeljenja koja suštinski ne odstupaju od ranijih programa Općinskog načelnika i jedinstvenog općinskog organa uprave i ostalih općinskih službi, već predstavljaju kontinuitet sa istim. Program rada Općinskog načelnika za 2016. godinu zasniva se na procjenama do kojih se došlo analizom ostvarenih ukupnih rezultata u 2015. godini, ocjeni realizacije planiranih kapitalnih investicija u 2015. godini, te u saradnji sa ovlaštenim organima mjesnih zajednica, utvrđenim prioritetima aktivnosti mjesnih zajednica na području Općine Srebrenik.

II - AKTIVNOSTI NA UNAPREĐENJU FUNKCIONISANJA OPĆINSKE UPRAVE

1. Nastavit će se voditi aktivnosti na implementaciji Zakona o principima lokalne samouprave u Federaciji Bosne i Hercegovine;
2. Radit će se na unapređenju normativnog uređivanja djelatnosti iz nadležnosti Općinskog načelnika i općinskih službi;
3. Raditi će se na kontinuiranom poboljšanju u organizaciji i funkcionisanju općinske uprave u skladu sa standardom ISO 9001:2008;

4. Sprovesti će se sistem elektronskog upravljanja podacima i elektronskog praćenja sprovođenja svih upravnih postupaka, a sve u smislu efikasnijeg rada i smanjenja rokova njihovog izvršavanja.
5. Kontinuirano će se raditi na racionalizaciji i efikasnosti rada općinske uprave – službi, njenom materijalnom, tehničkom i kadrovskom jačanju;
6. Nastavit će se voditi aktivnosti na unapređenju saradnje sa višim nivoima vlasti, te drugim institucijama, a sve u cilju boljeg funkcionisanja lokalne samouprave i osposobljavanja službi za njihov efikasniji i potpuniji rad na planu ostvarivanja svih prava i sloboda građana.

III – RAZVOJ PODUZETNIŠTVA I ZAPOSŁJAVANJE

Polazeći od strateške orijentacije razvoja Općine Srebrenik ka razvoju poljoprivredne proizvodnje, malog i srednjeg biznisa i turizma, vodit će se aktivnosti na sljedećem:

1. U skladu sa Strategijom integriranog razvoja Općine Srebrenik 2011.-2020. godine, koja će u narednoj godini biti revidovana, nastavit će se raditi na iznalaženju potencijalnih investitora u cilju otvaranja malih i srednjih preduzeća na području općine pri čemu maksimalno podsticati privrednike naše općine i njihove poslovne partnere;
2. Nastavit će se započete aktivnosti na definisanju i uređenju postojećih te izgradnji novih poslovnih zona kako bi se stvorile pretpostavke za nesmetan razvoj privredne na području naše općine;
3. Nastavit će se kadrovski jačati službe, posebice u dijelu investicija, poduzetništva i nadzora, u cilju osposobljavanja istih da budu aktivan “servis” pomoći građanima i privrednim subjektima u pripremi programa za pokretanje proizvodnje i malih biznisa;
4. Nastavit će se dalje aktivnosti – kontinuitet na uspostavljanju i redovnom organizovanju sastanaka privrednika i predstavnika uprave svih nivoa sa ciljem otklanjanja prepreka za razvoj privrede i novih zapošljavanja;
5. Formirati privredni savjet koji će usko sarađivati sa Općinskim načelnikom i organima uprave kako bi se na obostrano zadovoljstvo stvorili uslovi za razvoj postojećih MSP, kao i za formiranje novih što će u konačnici dovesti do otvaranja novih radnih mjesta;
6. U narednoj godini Općina Srebrenik će dobiti prvi Centar za poduzetništvo sa inkubacionim kapacitetima. Služba za poduzetništvo, lokalni razvoj i investicije će rukovoditi navedenim centrom te pomagati novoosnovanim startup firmama koje budu smještene u navedenom poduzetničkom inkubatoru. U prvom kvartalu 2016. Godine objekat u kojem će biti smješten Centar za poduzetništvo će se opremiti svom potrebnom opremom kako bi se moglo pristupiti odabiru novoosnovanih firmi koje će biti prvi stanovnici poduzetničkog inkubatora.
7. U saradnji sa mjesnim zajednicama nastavit će se prosijecanje novih komunikacija ka obradivim zemljišnim površinama u cilju veće uposlenosti i pokretanja manjih biznisa iz domena stočarstva i voćarstva i efikasnosti u podsticanju iskorištenja dobivenih sredstava;
8. Radit će se na aktiviranju programa koji imaju za cilj jačanje kooperantskih odnosa između poljoprivrednih proizvođača i prerađivača i otkupljivača poljoprivrednih proizvoda, u cilju plasiranja vlastitih proizvodnji i sigurnosti u plasmanu njihovih proizvoda;
9. Na adekvatan način će se raditi na povezivanju privrednika Srebrenika sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim organima vlasti (nadležnim ministarstvima), finansijski podržavati zajedničke nastupe na sajmovima u cilju adekvatne prezentacije privrednih subjekata općine Srebrenik;

10. U skladu sa strategijom vodosnabdijevanja općine Srebrenik nastaviti će se aktivnosti na obuhvatanju cijele općine sa vodosnabdijevanjem, te na širenju obuhvata odvoza komunalnog otpada poštujući donesene zakonske propise iz ove oblasti, kao i aktivnije praćenje provođenja ovih propisa;
11. Nastavit će se aktivnosti na realizaciji programa razvoja turizma (zimskog turizma, lovnog turizma, projekat Stari grad Srebrenik, uspostavljanje zaštitnih zona na Majevidi sa obuhvatanjem zaštitne zone za potencijalnu akumulaciju na Bistričkoj rijeci);
12. Okončati započeti postupak bratimljenja Srebrenika sa dvije općine iz Republike Turske, Općina Edremit i Općina Efeler, te konkretizirati dugogodišnju saradnju sa Gradom Vinkovci iz Republike Hrvatske te eventualno ozvaničiti veze i sa navedenom općinom. Na taj način Srebrenik bi po prvi puta u svojoj historiji imao bratske odnose sa općinama iz Evrope i Azije.
13. U 2016. godini provesti postupak evaluacije i certificiranja procesa unutar općinskih organa uprave koji će Srebrenik na osnovu propisanih kriterija označiti kao općinu sa povoljnim poslovnim okruženjem,
14. Nastavit će se realizacija projekta toplifikacije grada i
15. Nastavit će se sa aktivnostima finansiranja volonterskog rada pripravnika, radi sticanja uslova za njihovo brže zapošljavanje.

IV – KAPITALNI PROJEKTI I FINANSIRANJE ZNAČAJNIH PROJEKATA

U dijelu kapitalnih projekata i finansijskih ulaganja u oblastima: izgradnje i rekonstrukcije vodovoda, hidrogeoloških istraživanja i projektovanja, asfaltiranja ulica i puteva, rekonstrukcije i sanacije makadamskih putnih pravaca, projektovanja i izvođenja radova izgradnje kanalizacije, poboljšanja u snabdijevanju električnom energijom, razvoja telefonskog saobraćaja, održavanja i izgradnje ulične rasvjete itd., radit će se u cijelosti po Programu izgradnje infrastrukture na području općine Srebrenik u 2016. godini, i Programu uređenja gradskog građevinskog zemljišta koje usvoji Općinsko vijeće, te u tom smislu oni su sastavni dio ovog Programa rada.

V - ODLAGANJE SMEĆA – ZAŠTITA OKOLIŠA

1. Po zabršetku tenderske procedure, realizovati projekat sanacije deponije krutog otpada u Babunovićima u skladu sa projektno-tehničkom dokumentacijom, te izgraditi reciklažno dvorište; voditi aktivnosti na izgradnji reciklažnog dvorišta transfer-stanice za selektivni otpad, zatvorenog tipa na području naše općine što stvara pretpostavke novog zapošljavanja, pripreme za regionalnu deponiju i smanjenje troškova deponovanja na regionalnoj deponiji ne iskoristivog otpada:
2. u saradnji sa nadležnim ministarstvima Vlade Federacije BiH i Vlade Tuzlanskog kantona, susjednim općinama i drugim subjektima radit će se na trajnom rješavanju odlaganja komunalnog otpada u smislu projekta izgradnje regionalne deponije;
3. u saradnji sa JP "9.septembar" d.d.Srebrenik nastaviti će se na organizovanju odvoza komunalnog otpada na području cijele općine, te razvoja selektivnog prikupljanja otpada;
4. izrada projekta "Park – prirode" i sportsko-rekreativne zone na lokalitetu Majevice;
5. projekat „Moj grad – moje drvo“.

VI - OBJEKTI SPORTA I REKREACIJE – IZGRADNJA I NJIHOVO ODRŽAVANJE

Na planu izgradnje sportskih objekata, rekreacije i njihovog održavanja, a u cilju sticanja uslova za masovnije bavljenje sportom i rekreacijom, Općinski načelnik će raditi u skladu sa finansijskim mogućnostima i po prioritetima i potrebama koje utvrdi Općinsko vijeće kroz svoje programe (Program infrastrukture i sl.).

VII - JAVNE MANIFESTACIJE

1. U saradnji sa Općinskim vijećem donijeti će se poseban Program obilježavanja značajnih događaja na općini Srebrenik;
2. Manifestacija „Dani povellja“ 2016. godine;
3. Sačinit će se Program obilježavanja manifestacije “OGUS” 2016. godine;
4. Državne praznike i druge značajne datume državnog, federalnog, kantonalnog i općinskog značaja prigodno obilježiti;
5. Podržati organizaciju sajma pčelarstva i pčelarske opreme;
6. U skladu sa finansijskim mogućnostima pomagati manifestacije koje se organizuju na području naše općine u svim mjesnim zajednicama.

VIII – PROGRAM RADA OPĆINSKIH SLUŽBI

Ovaj Program obuhvata najvažnije zadatke općinskih službi koji su od općeg ili zajedničkog interesa pojedinih kategorija građana i njihovih udruženja, mjesnih zajednica i lokalnog biznisa na kojima će se načelnik zajedno sa svojim saradnicima, državnim službenicima i zaposlenicima neposredno angažovati. U skladu sa nadležnostima propisanim zakonskim i drugim pozitivnim propisima, općinske službe će u okviru svojih djelatnosti raditi na provođenju sljedećih aktivnosti koje su u kratkim crtama taksativno nabrojane u nastavku ovog planskog dokumenta:

1. SLUŽBA ZA OPĆU UPRAVU I ZAJEDNIČKE POSLOVE

Obezbjedeње potpune materijalne i stručne pomoći u radu Vijeća mjesnih zajednica na području općine Srebrenik (51 mjesna zajednica na području općine Srebrenik).

Popunu sistematizovanog radnog mjesta stručnog saradnika zaduženog za saradnju sa mjesnim zajednicama kao bi se efikasnije poboljšala saradnja sa mjesnim zajednicama.

Izrada plana obrazovanja službenika i namještenika u službama za upravu općine Srebrenik.

Poboljšanje postojećih softverskih rješenja i uvođenje novih programa po ukazanoj potrebi u pojedinim službama.

Obzirom da je izvršena nabavka i ugradnja licenciranog sophos antivirusa za 50 klijenata računara i firewala, potrebno je i u 2016. godini produžiti licence za navedeni softver.

Nabavka, instalacija i sva potrebna podešavanja hardwera (novih servera, mrežnih uređaja - switcheva, firewala, backup uređaja, mrežnih kopir i printer uređaja kao i ostale računarske opreme) kao i softwera, pri prelasku u novu zgradu administracije općine Srebrenik

Nastavak realizacije i u 2016. godini obaveze općine Srebrenik, koje proističu iz Zakona o matičnim knjigama: završiti unos i izvršiti verifikaciju unosa te uvesti elektronski potpis pri izdavanju i razmjeni ovih podataka. Tokom 2014. godine su uspješno objedinjene baze podataka iz svih pojedinačnih matičnih ureda u jednu centralnu bazu podataka koja se nalazi na centralnom serveru, i istoj se pristupa putem VPN konekcije iz bilo koje lokacije matičnih ureda (praktična realizacija web registra matičnih evidencija, što je obaveza od maja 2014. godine). Umrežavanjem matičnih ureda smo omogućili da se verifikovani izvodi na području općine Srebrenik mogu izdavati u bilo kom matičnom uredu, dok se u MU Srebrenik i MU Rapatnica, a uskoro i u MU Tinja, mogu izdavati verifikovani izvodi iz svih općina FBiH.

Nastavak rada na izradi Biltena općine Srebrenik, brošura i propagandnih letaka, te pokušati zadržati trenutni tiraž navedenih publikacija i bolje distribuirati iste, kako bi ih koristilo što više građana.

Nastavak rada na ažuriranju web stranice: www.srebrenik.ba, koja je ostala prepoznatljiva svim građanima i tokom 2015. godine, posebno po redovnom ažuriranju sadržaja vijesti. U toku 2015. godine istu je posjetilo preko 100.000 posjetilaca u odnosu na 2014. kada ih je bilo 98.000, i sa iste je skinuto oko 33 GB podataka u odnosu na 30 GB u 2013. godini. Na web stranici su postavljeni svi Službeni glasnici od 2014. i 2015. Godine i postavljaju se i dalje, postavljen je folder Tenderi u kome se objavljuju svi javni pozivi za razne javne nabavke, dok su folderu Općinske službe postavljen veći dio obrazaca i registara administrativnih postupaka iz raznih segmenata našeg rada i djelovanja, kojima se može pristupiti putem interneta, što su prvi koraci ka ostvarivanju e-uprave.

Pokrenute su aktivnosti da se tokom 2016. godine konačno uradi nova web stranica;

Nastavak aktivnosti na održavanju dostignutog nivoa i daljnjem poboljšanju VPN veza računara iz naših Službi sa serverima u nadležnim federalnim i kantonalnim ministarstvima (projekat on line registracije poljoprivrednih proizvođača za ostvarivanje podsticaja u poljoprivrednoj proizvodnji, projekat on line unosa promjena na operatima kroz program Katastar koju implementira firma Gaus Tuzla, projekat on line provjera u postupku izdavanja putnih isprava, projekat on line unosa promjena u Registar novčanih kazni i prekršajnih evidencija posredstvom servera Kantonalne uprave za inspeksijske poslove Tuzla, projekat on line komunikacije i unosa izbornih rezultata kroz odgovarajući program Centralne izborne komisije).

2. SLUŽBA ZA BORAČKO-INVALIDSKU ZAŠTITU I DRUŠTVENE DJELATNOSTI

Program rada Službe za boračko-invalidsku zaštitu i društvene djelatnosti za 2016. godinu, planiran je kroz obavljanje aktivnosti kako slijedi:

- Raspisati Javni poziv, i provesti aktivnosti vezane za dodjelu učeničkih stipendija i studentskih kredita za školsku-akademsku 2015/2016 godinu,
- Organizovati tradicionalni Festival kulturnog stvaralaštva učenika osnovnih i srednjih škola u čijoj organizaciji učestvuje Služba, u saradnji sa direktorima svih osnovnih škola sa područja općine Srebrenik, i menadžmentom MSŠ Srebrenik,
- Kontinuirano vršiti praćenje rada i aktivnosti u svim Javnim ustanovama i Javnim zdravstvenim ustanovama sa područja općine Srebrenik, uz pružanje svih vidova pomoći u organizaciji rada i drugih aktivnosti ovih ustanova,
- Zajedno sa Sportskim savezom općine Srebrenik učestvovati u organizaciji sportske manifestacije povodom obilježavanja značajnih datuma na području naše općine,
- Provesti proceduru oko raspisivanja Javnog poziva za dodjelu sredstava iz budžeta Općine Srebrenik nevladinim organizacijama i udruženjima građana sa područja naše općine, a

kontinuirano provoditi saradnju sa nevladinim organizacijama i udruženjima građana oko izrade projekata, i apliciranje prema višim nivoima vlasti, i raznim međunarodnim fondovima i donatorima,

- Unaprijediti saradnju sa Federalnim Ministarstvom okoliša i turizma, Federalnim ministarstvom kulture i sporta, Turističkom zajednicom Tuzlanskog kantona, Komisijom za zaštitu nacionalnih spomenika, Zavodom za zaštitu i korištenje kulturno – historijskog i prirodnog naslijeđa Tuzlanskog kantona, kako bi se uz njihovu pomoć zaštitili, konzervirali, restaurirali, priveli namjeni te bolje promovisali svi kulturno historijski spomenici i prirodno naslijeđe naše općine,
- Kontinuirano raditi na prezentaciji i isticanju turističkih potencijala te komparativnih prednosti općine Srebrenik na polju turizma. Raditi na brendiranju i promociji „Starog grada“ Srebrenika, kao centralnog kulturno historijskog spomenika općine Srebrenik te osmisliti razne sadržaje koji bi doprinijeli boljem pozicioniranju Srebrenika na turističkim rutama,
- Aktivno raditi na izradi projekata kako bi se putem apliciranja na razne javne pozive obezbijedila sredstva za implementaciju Urađene i revidovane idejno-programske osnove revitalizacije šireg kompleksa „Starog grada“ Srebrenika,
- U saradnji sa Centrom za kulturu i informisanje uraditi idejno rješenje etno parka na lokalitetu Čekrk, kako bi se stvorili preduslovi za daljnji razvoj turističke ponude općine Srebrenik,
- U saradnji sa Centrom za kulturu i informisanje raditi na unapređenju kvaliteta manifestacija Otvoreni grad umjetnosti Srebrenik - OGUS i Dani povelje, koje su uprkos dugogodišnjoj tradiciji još uvijek manifestacije lokalnog karaktera. Pokušati za navedene manifestacije obezbijediti sredstva iz budžeta viših nivoa vlasti, kao i iz raznih fondova koji podržavaju manifestacije iz domena kulture i umjetnosti,
- Kontinuirano raditi promociju kulturno historijskog i prirodnog naslijeđa, te turističkih potencijala naše općine i svih manifestacija iz domena kulture,
- Pratiti realizaciju projekta izgradnje pristupnog parkirališta u Gornjem Srebreniku, čijom izgradnjom će se zadovoljiti osnovne potrebe posjetioca Starog grada Srebrenika (parking, suvenirnica, sanitarni čvor),
- Nakon izvršenih aktivnosti oko provođenja Javnog poziva po utvrđenim kriterijima, i dodjeli budžetskih sredstava na osnovu apliciranih projekata nevladinim organizacijama i udruženjima građana, vršiti će se monitoring (kontrola utroška sredstava u odobrene svrhe) nad onim projektima koji su zadovoljili kriterije Javnog poziva odnosno koji se finansiraju iz budžeta Općine Srebrenik,
- Služba će aktivno učestvovati u praćenju i provođenju Javnih oglasa za dodjelu donacija za izgradnju porušenih i popravku oštećenih kuća raspisanih od strane Ministarstva za rad, socijalnu politiku i povratak TK-a, kao i za dodjelu sredstava namijenjenih održivom povratku,
- Provesti aktivnosti vezane za raspisivanje Javnog poziva za odrađivanje pripravničkog-volonterskog staža nezaposlenim licima visoke stručne spreme sa područja Općine Srebrenik, te lica koja su prošla po Javnom pozivu rasporediti u ustanove – preduzeća u kojima će odraditi pripravnički – volonterski staž,
- Redovno provoditi aktivnosti oko utvrđivanja statusa raseljenih lica sa ustrojstvom evidencije tačnog broja lica sa priznatim statusom raseljenog lica na području općine,
- Obavljati poslove vezano za socijalno zbrinjavanje stanovnika općine Srebrenik kroz razne vidove pomoći kako domicilnom socijalno ugroženom stanovništvu tako i povratnicima i raseljenim licima koja trenutno borave na području općine Srebrenik.

- Rješavanje zahtjeva iz oblasti boračko-invalidske zaštite u skladu sa odredbama Zakona o pravima branilaca i članova njihovih porodica i Zakona o dopunskim pravima branilaca i članova njihovih porodica,
- Praćenje stanja riješenosti predmeta iz oblasti boračko-invalidske zaštite, kao i analiza i pregled stanja predmeta u postupku revizije prava korisnika boračko-invalidske zaštite,
- Priprema materijala za sjednice općinskog vijeća u skladu s programom rada općinskog vijeća za 2016.godinu,
- Praćenje realizacije pojedinih dopunskih prava (Konkursi za dodjelu bespovratnih i kreditnih sredstava za rješavanje stambenih pitanja boraca i članova njihovih porodica, konkurs za obavljanje pripravničkog staža lica iz reda boračkih kategorija, konkurs za stipendiranje đaka i studenata i dr.),
- Obilježavanje godišnjica i značajnih datuma iz oblasti boračko-invalidske zaštite,
- Koordinacija rada sa Udruženjima boraca na nivou Općine Srebrenik u cilju rješavanja statusnih pitanja boraca i članova njihovih porodica.

3. SLUŽBA ZA PROSTORNO UREĐENJE, STAMBENO-KOMUNALNE POSLOVE I OBNOVU

3.1. Oblast urbanizma i prostornog planiranja

- a) Poduzimanje odgovarajućih mjera i aktivnosti na daljem poboljšanju efikasnosti Službe u ostvarivanju prava građana i drugih lica kod pribavljanja potrebne dokumentacije (urbanističke saglasnosti, građevinske dozvole, upotrebne dozvole itd.).
- b) Dovršetak svih upravnih postupaka koji nisu okončani tokom 2014. Godine
- c) Dovršetak aktivnosti oko izdavanja dokumentacije licima čiji su objekti uništeni elementarnim nepogodama
- d) Izrada normativno-pravnih akata iz ove oblasti za Općinsko vijeće kako slijedi:
 - izrada Programa uređenja građevinskog zemljišta za 2016. godinu,
 - izrada izmjena i dopuna Prostornog plana općine Srebrenik,
 - izrada Odluke o provođenju Prostornog plana općine Srebrenik,
 - izrada Odluke o usvajanju Urbanističkog plana grada Srebrenika,
 - izrada Odluke o provođenju Urbanističkog plana,
 - izrada Izmjena Regulacionog plana „CENTAR“ Srebrenik,
 - izrada Izmjena Regulacionog plana „Sporta i rekreacije“,
 - izrada Zoning plana poslovne zone II.
- e) Provođenje upravnih postupaka pokrenutih po zahtjevima investitora za legalizaciju bespravno izgrađenih građevina sukladno Zakonu o uvjetima i postupku legaliziranja bespravno izgrađenih građevina.
- f) Sprovođenje širih aktivnosti na uređenju gradskog građevinskog zemljišta tokom 2016. godine i to:
 - izrada cvijetnih aranžmana i uređenje zelenih površina u gradu,
 - priprema i licitiranje novih lokacija za postavljanje stalnih i privremenih poslovnih objekata, a u skladu sa Regulacionim planom „Centar“ Srebrenik,
 - dekoracija gradskog centra povodom praznika,
 - dovršetak popravka kolovoza ulica,
 - rekonstrukcija postojećih i dovršetak nedostajućih dijelova uličnih rasvjeta u ulicama grada Srebrenika prema projektno-tehničkoj dokumentaciji,

- izgradnja dječijih zabavnih igrališta u gradu na 2 lokacije,
- vanjsko uređenje oko objekta „Bigeraj“,
- izvođenje radova na uređenju parka kod „Gradske kafane“,

3.2. Stambeno-komunalna oblast

- dovršetak svih upravnih postupaka koji nisu okončani tokom 2014. godine,
- redovno praćenje stanja u oblasti održavanja stambenog fonda,
- dovršetak kanalizacione mreže u gradu i prigradskim naseljima,
- priprema normativno-pravnih akata iz ove oblasti za Općinsko vijeće (Program obavljanja komunalnih usluga zajedničke komunalne potrošnje, razne informacije itd.),
- izrada izmjene i dopune Odluke o kućnom redu u stambenim zgradama,
- nastavak izgradnje toplovoda prema urađenoj projektno-tehničkoj dokumentaciji,
- rješavanje odvodnje oborinskih voda u gradu Srebreniku prema pozicijama radova definisanih u Programu uređenja gradskog građevinskog zemljišta u 2016. godini,
- rekonstrukcija vodovodne mreže u gradu Srebreniku prema prema pozicijama radova definisanih u Programu uređenja gradskog građevinskog zemljišta u 2016. godini,
- izgradnja i rekonstrukcija kanalizacione mreže u gradu Srebreniku prema prema pozicijama radova definisanih u Programu uređenja gradskog građevinskog zemljišta u 2016. godini,
- regulacije rijeke Tinje od Koprića mosta prema Čehajama,
- projektovanje kanalizacionog kraka Herceg - Gradnja - Kiseljak,
- izgradnja odvodnje oborinskih i fekalnih voda na ulici kroz „Spahijinu nivu“ prema projektno-tehničkoj dokumentaciji,
- uređenje pješačke staze uz uređeno korito rijeke Tinje na dionici od pješačkog mosta kod željezničke stanice do mosta za NN Kiseljak,
- izvođenje radova na regulaciji Mulahmetovića potoka,
- dovršetak aktivnosti oko izgradnje zgrade općinske uprave.
- rješavanje komunalne infrastrukture za lokacije gdje su dodijeljeni placevi licima čiji su objekti uništeni elementarnim nepogodama.

3.3. Oblast saobraćaja

- redovne aktivnosti na održavanju horizontalne i vertikalne saobraćajne signalizacije u skladu sa Odlukom o bezbjednosti saobraćaja,
- organizovanje zimske službe za kompletno općinsko područje,
- redovne aktivnosti održavanja putne mreže i sanacije gradskih ulica,
- proširenje parking prostora u gradu i zaštita trotoara od neovlaštenog parkiranja,
- rješavanje izgradnje saobraćajnice kroz sportsko-rekreativnu zonu,
- realizacija naplate parkiranja putem parking automata na području grada,
- projektovanje i izradnja ulica prema urađenoj projektno-tehničkoj dokumentaciji:
 - Varoških polja,
 - Vahida Ibrića,
 - I.M.Irca do Čehaja sa priključnom ulicom iza „Poljostroja“,
 - 1. marta i
 - Kulina Bana.
- izgradnja raskrsnice kod „BINGA“,
- izgradnja dijelova-priključaka primarne gradske saobraćajnice,

- dovršetak započetog kolskog i rekonstrukcija postojećih pješačkih prilaza objektu I OŠ Srebrenik,
- izgradnja pješačke staza između ul. Meše Selimovića i 16. Muslimanske brigade,
- izgradnja dijela trotoara u gradu,
- nastavak izgradnje trotoara pored magistralne ceste M 1.8. sa izgradnjom rasvjete,
- dovršetak rekonstrukcije regionalne ceste Srebrenik – Gračanica, dionica Sladna Bukva,
- modernizacija saobraćajnice Srebrenik - G. Srebrenik i D. Potok – Galaxis,
- izrada idejnog projekta objekta "Javne garaže" na lokaciji prema Regulacionom planu zone "Centar",
- izvođenje radova na izgradnji ulica u makadamskoj podlozi u dijelu naselja Bare, između ul. Rukiba Sinanovića i korita rijeke Tinje,
- izvođenje radova na modernizaciji ulice Rukiba Sinanovića do Baduše,
- izmještanje semaforskog uređaja na raskrsnici ulica sa reg. putem kod "Poljostroja",
- izvođenje radova na izgradnji kraka ulice u makadamskoj podlozi tj. nastavak ulice Hasana Kikića,
- izvođenje radova na izgradnji dva kraka ulica u makadamskoj podlozi, odnosno spoja ulica 21. Juna i Nedžada Šečića,
- izvođenje radova na asfaltiranju preostalih makadamskih krakova ulica u naselju Bare na potezu između Džamije i ulica Džemala Bijedića, 21. juna i Nedžada Šečića
- izgradnja ulice kroz „Spahijinu nivu“ prema projektno-tehničkoj dokumentaciji,
- izgradnja ulice ispred objekta „Šalter sala općinskih Službi“ sa izgradnjom spoja sa ul. M.Tita,
- izvođenje radova na rekonstrukciji ul. Mehmeda Ibrahimovića sa izgradnjom slivne rešetke i kanalizacionog kraka.
- Sanacija kolovoza lokalnih saobraćajnica na više lokacija oštećenih usljed elementarnih nepogoda

3.4. Zaštita okoliša

- realizacija III faze projekta uređenja deponije komunalnog otpada Babunovići (konačna sanacija i zatvaranje iste),
- rješavanje imovinsko-pravnih odnosa za novu lokaciju deponije, odnosno izrada transfer stanice sa reciklažnim pogonom,
- izrada projektno-tehničke dokumentacije i izvođenje radova na novoj lokaciji deponije i potrebne infrastrukture,
- u saradnji sa JP "9. Septembar" d.d. Srebrenik nastaviti sa aktivnostima na proširenju i organizovanom odvozu komunalnog otpada na području cijele općine, te razvoja selektivnog prikupljanja otpada,
- izrada projekta "Park prirode" i sportsko-rekreativne zone na lokalitetu Majevice,
- u saradnji sa Vladom TK uklanjanje svih divljih deponija oko puteva i riječnih tokova,
- nastavak organizovanja sa JP „9 Septembar“ i JU „ Veterinarska stanica“ aktivnosti oko propisnog zbrinjavanja pasa lualica u skladu sa Zakonom o zaštiti i dobrobiti životinja,
- realizacija dijela aktivnosti planiranih LEAP-om,
- aktivnosti sa NVO i školskim sekcijama na eko projektima.

4. SLUŽBA ZA GEODETSKE I IMOVINSKO – PRAVNE POSLOVE

1. Održavanje premjera i katastra zemljišta u okviru kojeg će se rješavati zahtjevi:

- izdavanje podataka iz katastra zemljišta novog premjera (posjedovni listovi, kopije planova, identifikacije, uvjerenja i dr.),
- cijepanje parcela po zahtjevima stranaka,
- uplanjenje objekata po zahtjevima stranaka,
- uknjižba i prenos prava posjeda na nekretninama po zahtjevima stranaka,
- izdavanje podataka iz arhive i katastra zemljišta starog premjera.

2. Provođenje postupaka upisa prava na nekretninama u katastar zemljišta,
3. Ažuriranje digitalnog plana općine Srebrenik za 15 katastarskih općina,
4. Skeniranje katastarskih planova starog premjera za 10 katastarskih općina,
5. Održavanje katastra podzemnih instalacija i komunalnih uređaja u smislu njihovog snimanja i evidentiranja na planovima na osnovu podataka snimanja obavljenog od strane Službe kao i na osnovu zaprimljenih elaborata o obavljenom snimanju podzemnih instalacija i komunalnih uređaja od strane drugih pravnih i fizičkih lica ovlaštenih za te poslove,
6. Obavljanje geodetskih poslova u svrhu parcelacije građevinskog zemljišta prema prostorno-planskoj dokumentaciji i Programu uređenja građevinskog zemljišta za 2016. godinu,
7. Provođenje postupaka u rješavanju imovinsko-pravnih odnosa na građevinskom zemljištu u skladu sa ukazanim potrebama i Programom uređenja građevinskog zemljišta za 2016. godinu,
8. Provođenje postupaka u rješavanju imovinsko-pravnih odnosa na nekretninama u slučajevima eksproprijacije i deeksproprijacije nekretnina,
9. Rješavanje imovinsko-pravnih postupaka u realizaciji infrastrukturnih projekata u 2016. godini na području općine Srebrenik,
10. Izrada "A" listova po zahtjevima stranaka radi usaglašavanja katastarskih podataka sa podacima zemljišne knjige (gruntovnice),
11. Obavljanje geodetskih poslova i rješavanje imovinsko-pravnih odnosa u predmetima drugih općinskih službi, kantonalnih i federalnih organa i službi, tužilaštva i sudova, javnih preduzeća i dr. u 2016. godini.
12. Poslovi na pripremi materijala za Općinsko vijeće Srebrenik za 2016. godinu iz nadležnosti ove Službe:
 - Rješenja i Zaključaka o ostvarivanju prava na nekretninama (dodjela zemljišta, preuzimanje zemljišta, ponude zemljišta po pravu preče kupovine i dr.),
 - Odluke o utvrđivanju prosječne konačne građevinske cijene 1m² korisne stambene površine na području općine Srebrenik za 2014. godinu,
 - Odluke o građevinskom zemljištu,
 - Izvještaja o radu Službe.

5. SLUŽBA ZA FINANSIJE I INSPEKCIJSKI NADZOR

5.1. Odsjek za finansije

a) Priprema i izrada normativno - pravnih akata za Općinsko vijeće iz nadležnosti rada Odsjeka i to kako slijedi:

- Odluka o budžetu općine Srebrenik za 2016. godinu,
- Odluka o izvršavanju budžeta za 2016. godinu,
- Izvještaj o izvršenom popisu imovine općine Srebrenik sa stanjem na dan 31.12.2015. godine,
- Izvještaj o izvršenju budžeta općine Srebrenik za period 01.01.2015 - 31.12.2015. godine,
- Odluka o usvajanju godišnjeg obračuna budžeta općine Srebrenik za 2015. godinu.

- Izvještaj o izvršenju budžeta općine Srebrenik za period 01.01.- 31.03.2016. godine.
- Izvještaj o izvršenju budžeta općine Srebrenik za period 01.01.- 30.06.2016. godine.
- Izvještaj o izvršenju budžeta općine Srebrenik za period 01.01.- 30.09.2016. godine.
- Odluka o izmjenama i dopunama Odluke o budžetu općine Srebrenik za 2016. godinu,
- Nacrt Odluke o budžetu općine Srebrenik za 2016. godinu,
- Dokument okvirnog budžeta općine Srebrenik za period 2016. – 2018. godina,
- Nacrt Odluke o izvršavanju budžeta općine Srebrenik za 2016. godinu,
- Prijedlog Odluke o budžetu općine Srebrenik za 2016. godinu,
- Prijedlog Odluke o izvršavanju budžeta općine Srebrenik za 2016. godinu,

b) Poduzimanje odgovarajućih mjera i aktivnosti radi efikasnijeg rada odsjeka, odnosno izrada pravilnika, procedura i uputstava u vezi sa poslovima i zadacima iz nadležnosti ove Službe u skladu sa Smjernicama za uspostavu i jačanje interne kontrole kod budžetskih korisnika i Zakona o budžetima u FBiH,

c) Aktivnosti oko priprema za uvođenje trezorskog poslovanja u općini u skladu sa zakonom propisanim procedurama,

5.2. Odsjek za inspekcijski nadzor

a) Priprema i izrada normativno - pravnih akata za Općinsko vijeće iz nadležnosti rada Odsjeka i to kako slijedi:

- Informacija o radu općinskih inspekcija za 2014. godinu.
- b) ostale aktivnosti
- Nastavak započetih aktivnosti na preventivnim i kontrolnim postupcima u vezi sveobuhvatnijeg uključivanja korisnika usluga sa područja cijele općine u organizovani odvoz krutog otpada u cilju smanjenja broja divljih deponija i zaštite životne sredine,
- Vođenje aktivnosti na preventivnim i kontrolnim postupcima u vezi bespravne gradnje objekata i to u ranim fazama bespravne gradnje (zemljani i pripremni radovi) kako bi se suzbila odnosno spriječila bespravna gradnja, sa što manjim posljedicama za investitora,
- Putem sredstava informisanja i sastanaka sa predstavnicima MZ raditi na informisanju i upoznavanju stanovništva o aktivnostima u procesu zakonitog građenja, davanja konkretnih savjeta i podsticanja poštivanja zakona a posebno u vezi odredbi važećeg Zakona o uvjetima i postupku bespravno izgrađenih građevina a koji je na snazi do 31. maja 2016. godine,

6. SLUŽBA ZA PODUZETNIŠTVO, LOKALNI RAZVOJ I INVESTICIJE

U vršenju poslova i zadataka iz svog djelokruga rada, utvrđenih u Pravilniku o unutrašnjoj organizaciji i sistematizaciji Službi za upravu Općine Srebrenik, Služba za poduzetništvo, lokalni razvoj i investicije je svoj Program rada za 2016. godinu zasnovala u skladu sa Programom rada Općinskog načelnika i Programom rada Općinskog vijeća.

Prema važećem Pravilniku o unutrašnjoj organizaciji i sistematizaciji Službi za upravu Općine Srebrenik («Službeni glasnik Općine Srebrenik» broj: 9/13), u Službi za poduzetništvo, lokalni razvoj i investicije, sistematizirano je 16 radnih mjesta (uključujući i šefa službe) a poslove u ovoj službi trenutno obavlja ukupno 10 izvršilaca (Vikalo Aida, obavlja poslove savjetnika Općinskog načelnika) od čega 6 izvršilaca sa VSS, 1 izvršilac sa VŠS i 3 izvršioca sa SSS dok 6 radnih mjesta nisu popunjena.

6.1. Odsjek za planiranje lokalnog razvoja i investicija

a) Priprema i izrada normativno-pravnih akata za Općinsko vijeće iz nadležnosti rada i to kako slijedi:

- Program izgradnje infrastrukture za područje općine Srebrenik za 2016. godinu,
- Izvještaj o provedenim aktivnostima u 2015. godini ne realizaciji Strategije razvoja općine Srebrenik za period 2012-2020. godina.

b) ostale aktivnosti;

- Strateški ciljevi u ovoj oblasti su: provođenje Strategije integriranog razvoja općine Srebrenik, partnerstvo javnog i privatnog sektora, nastaviti sa trendom ulaganja u infrastrukturu, podsticaji poduzetništvu i poljoprivredi, aktinosti na izradi projekata za uspostavu poslovnih zona,
- U skladu sa Integriranom strategijom razvoja poseban akcenat staviti na ravnomjeran ruralni razvoj prilikom realizacije projekata iz Strategije.
- Nastaviti i proširiti saradnju i kontakte sa Udruženjem privrednika, te na bazi zajedničkih interesa i odgovornosti rješavati konkretna pitanja od interesa za razvoj poduzetništva i lokalne zajednice (od pomoći i podrške pojedinim privrednim subjektima, pa do rješavanja pitanja raznih taksu, komunalnih naknada itd).
- Raditi na unapređenju organizacije i efikasnosti općinske uprave za stvaranje povoljnijih ambijenta za razvoj kroz provođenje projekta IFC i ISO standarda i jačanje kapaciteta za upravljanje projektima.
- Pripremati konkretne i „provodljive“ mjere podrške lokalnom biznisu (odluke, postupci, rokove, takse, naknade i slično) s ciljem da u skladu sa zakonskom regulativom u najkraćem roku i na jednom mjestu poduzetnik riješi svoje zahtjeve – koji će se i dalje tretirati kao zahtjevi visokog prioriteta u radu općinskih službi,
- Na adekvatan način će se raditi na povezivanju privrednika Srebrenik sa zainteresovanim poslovnim partnerima u zemlji i inostranstvu, pomagati im i podržavati ih u njihovoj komunikaciji sa višim organima vlasti (nadležnim ministarstvima), finansijski podržavati zajedničke nastupe na sajmovima u cilju adekvatne prezentacije privrednih subjekata općine Srebrenik.
- Raditi na izradi novih projekata za apliciranje ka višim nivoima i međunarodnim fondovima prema raspisanim natječajima za korištenje sredstava.
- U skladu sa Strategijom integriranog razvoja, Programom kapitalnih investicija, Programom uređenja gradskog građevinskog zemljišta i Programom izgradnje lokalne infrastrukture na području općine Srebrenik za 2016. godinu, bit će utvrđene aktivnosti na nastavku započelih projekata i pripremi i provođenju novih projekata.
- Raditi na unapređenju razvoja turizma (izletišta, sportske, pješačke staze, igrališta za djecu, lokacije za sjedenje, mini sportski tereni u prirodno obrađenom materijalu i sl.). Na području planine Majevice uz saradnju općine, nevladinih organizacija i sa zainteresovanim privrednicima za koncesije i slično.

Započeti značajni projekti (projekti čija je realizacija u toku ili će realizacija biti započeta u 2016. godini.

1. Nastaviti projekat toplifikacije grada Srebrenika
2. Nastaviti projekat izgradnje pješačke staze pored magistralnog puta M 1.8.
3. Projekti revitalizacije kompleksa stari grad “Srebrenik”

Izrada novih projekata

1. Izrada projekta za izgradnju pješako-biciklističke staze dionicom regulisanog korita rijeke Tinje od mosta za Sportsko-rekreativni centar do mosta za naselje Kiseljak.
2. Izrada izvedbenih projekata unutrašnje revitalizacije Starog grada Srebrenik.

Organizaciono-kadrovske pretpostavke za izvršenje ovog dijela programa

- U skladu sa Pravilnikom o unutrašnjoj organizaciji i sistematizaciji službi za upravu izvršiti popunu upražnjenih radnih mjesta u okviru Odsjeka.
- Nastaviti aktivnosti na osposobljavanju i jačanju kapaciteta u drugim službama koje učestvuju u postupcima pripreme i implementacije projekata.

6.2. Odsjek za poduzetništvo i poljoprivredu

a) Priprema i izrada normativno-pravnih akata za Općinsko vijeće iz nadležnosti rada Odsjeka i to kako slijedi:

- Program podsticaja u poljoprivredi iz budžeta općine Srebrenik za 2015. godinu.
- Program mjera zdravstvene zaštite životinja na području općine Srebrenik za 2016. godinu.
- Informacija o stanju u oblasti poljoprivredne proizvodnje na području općine Srebrenik za 2016. godinu.
- Izvještaj o radu JP „Veterinarska stanica“ Srebrenik za 2014. godinu.
- Informacija o gazdovanju šumama i stanju šuma na području općine Srebrenik za 2015/2016. godinu.
- Informacija o gazdovanju lovnim područjima općine Srebrenik za 2015/2016. godini.
- Informacija u oblasti vodosnabdijevanja na području općine za 2015. godinu.
- Informacija o stanju sanitarne ispravnosti vode za piće na području općine Srebrenik za 2016. godinu.

Ostale aktivnosti:

- Provođenje mjera podsticaja u poljoprivredi u skladu sa budžetima za 2016. godinu.
- Nastavak registracije poljoprivrednih proizvođača u odgovarajuće registre uz održavanje baza podataka.
- Organizovanje edukacija i pružanje stručne pomoći u proizvodnjama hrane za tržišta sa malih posjeda u cilju formiranja što većeg broja specijalizovanih tržišno orijentisanih poljoprivrednih gazdinstava.
- Planirati i provoditi preventivne mjere zaštite životinja u saradnji sa Veterinarskom stanicom Srebrenik.
- Pružati pomoć svim zainteresovanim poljoprivrednim proizvođačima u realizaciji povoljnih kreditnih sredstava i poticaja za primarnu proizvodnju.

U okviru referata za poduzetništvo i statistiku (samostalne djelatnosti) u 2016. godini planiraju se slijedeći poslovi i radni zadaci:

- Proučavanje propisa vezanih za samostalno poduzetništvo i pružanje informacija o osnivanju i obavljanju samostalnih radnji i djelatnosti zainteresovanim strankama.
- Učestvovanje u postupku izdavanja odobrenja za rad i prestanku rada samostalnih radnji i djelatnosti i drugih promjena koje se dešavaju u radu samostalnih poduzetnika a u skladu sa važećim zakonskim propisima.

- Učestvovanje u postupku izdavanja rješenja o utvrđivanja minimalno-tehničke opremljenosti poslovnih prostora za obavljanje djelatnosti pravnih i fizičkih lica a u skladu sa važećim zakonskim propisima.
- Izdavanja uvjerenja iz službene evidencije (registri samostalnih poduzetnika)
- Učestvuje u izradi izvještaja, informacija, odluka i slično iz svoje nadležnosti.
- Priprema odgovore na vijećnička pitanja iz oblasti poduzetništva.
- Obavljati će i druge poslove iz oblasti poduzetništva za koje se ukaže potreba u narednom periodu.

6.3. Odsjek za lokalni ekonomski razvoj i projekte

Djelokrug rada Odsjeka za lokalni ekonomski razvoj i projekte kao dijela Službe za poduzetništvo, lokalni razvoj i investicije se ogleda u provođenju sljedećih aktivnosti:

- Istraživanje i utvrđivanje mogućih izvora finansiranja, informisanje kolega u općinskim organima uprave te javnim ustanovama i preduzećima o mogućnostima apliciranja na javne pozive domaćih i stranih donatora, kao i o uslovima apliciranja,
- Ostvarivanje saradnje sa nadležnim ustanovama i institucijama na općinskom, regionalnom i međunarodnom nivou, nevladinim organizacijama, raznim udruženjima, a u vezi unapređenja lokalnog ekonomskog razvoja,
- Identifikovanje i formulisanje prilika za investiranje, novih tržišnih segmenata, razvoj inovativnih rješenja kao odgovor na potrebe tržišta i investitora, te proaktivan rad na privlačenju domaćih i stranih investicija,
- Kreiranje, održavanje i upravljanje bazom podataka o projektima, realizaciji projekata, investitorima i sl. kako bi se osigurale pravovremene i pouzdane informacije za sve zainteresovane strane,
- Održavanje stalnog kontakta sa predstavnicima domaćih i stranih investitora, te pružanje sve potrebne stručne odnosno administrativno - tehničke pomoći investitorima, te pripremanje prijedloga projekata za prezentaciju potencijalnim investitorima u svrhu podsticanja otvaranja novih radnih mjesta,
- Kontinuirano održavanje saradnje sa domaćim i međunarodnim organizacijama, kao što su ministarstva, državne, entitetske i kantonalne direkcije i agencije, te razvojne agencije kao npr. Agencija za unapređenje stranih investicija u BiH (FIPA), Fond za okoliš, USAID, UNDP, BIGMEV, TIKA, i sl., kao i ambasadama i konzulatima stranih zemalja u BiH, te ambasadama i konzulatima naše države u inostranstvu,
- Uspostavljanje One Stop Shop usluge koja podrazumijeva pružanje svih potrebnih usluga i informacija privrednicima i potencijalnim investitorima koji žele investirati na području Srebrenika, koordiniranjem svih relevantnih aktera na području naše općine, općinskih službi, javnih preduzeća i ustanova, kako bi proces investiranja olakšali i administraciju prilagodili poslovnom sektoru,
- U saradnji sa općinskim načelnikom radi na uspostavljanju lokalnog ekonomskog vijeća (LEV) koji treba da okupi široku bazu ključnih aktera (javni i privatni sektor, akademska zajednica, nvo, mediji i dr.) koji pomažu pri pripremi i nadzoru aktivnosti iz domena lokalnog ekonomskog razvoja. Cilj LEV-a je da iskoristi stručna znanja i sinergiju aktera za osmišljavanje i provođenje strategije lokalnog ekonomskog razvoja.
- Proaktivan pristup ispunjavanju kriterija kako bi Srebrenik u narednom periodu aplicirao za dobijanje sertifikata za povoljno poslovno okruženje (BFC) koji zahtijeva efikasnu administraciju,

transparentnu lokalnu vlast, odgovarajuću infrastrukturu i partnerske odnose sa firmama. Dobijanjem ovog sertifikata općina stiče sposobnost da se pozicionira kao napredna lokalna uprava u jugoistočnoj Evropi te na taj način osigura značajnu podršku od domaćih i međunarodnih institucija i donatora.

- Pripremanje prijedloga projekata u oblasti lokalnog ekonomskog razvoja te apliciranje na javne pozive domaćih i međunarodnih institucija i organizacija, te pripremanje promotivnih materijala, publikacija, vodiča, brošura i ostalih materijala,
- Aktivno radi na unapređenju razvoja turizma (izletišta, sportske, pješačke staze, igrališta za djecu, lokacije za sjedenje, mini sportski tereni u prirodno obrađenom materijalu i sl.) na području Srebrenika uključujući sve zainteresovane aktere, javne ustanove, mjesne zajednice, nevladine organizacije, te naravno lokalne zainteresovane privrednike kao i eventualne investitore.

7. OPĆINSKA SLUŽBA CIVILNE ZAŠTITE

Općinski Načelnik će u 2016. godini iz oblasti Civilne zaštite, pored poslova i zadataka utvrđenih zakonom i podzakonskim aktima, putem Općinske službe civilne zaštite poseban akcenat dati i izvršiti sljedeće poslove:

1. Provesti aktivnosti na proširenju kapaciteta postojećeg Vatrogasnog doma u cilju objedinjavanja odsjeka civilne zaštite u jedan objekat kao i ostalih struktura zaštite i spašavanja;
2. Izvršiti ažuriranje Procjene ugroženosti općine Srebrenik od prirodnih i drugih nesreća;
3. Imenovati povjerenike civilne zaštite u mjesnim zajednicama
4. Formirati općinsku jedinicu civilne zaštite opće namjene;
5. Planirati i vršiti materijalno opremanje struktura Civilne zaštite u skladu sa posebnim planovima;
6. Ažurirati Planove zaštite i spašavanja općine Srebrenik od poplave i klizišta
7. Pružati finansijsku podršku građanima i pravnim licima na preduzimanju preventivnih mjera zaštite i spašavanja i otklanjanju posljedica prirodnih i drugih nesreća;
8. Organizirati obilježavanje 1. marta – Dana Civilne zaštite;
9. Organizirati obilježavanje mjeseci zaštite od požara (maj i oktobar);
10. Vršenje i drugih poslova iz nadležnosti Općinskog načelnika koje su mu date u nadležnost Zakonima i podzakonskim propisima iz oblasti zaštite i spašavanja i Civilne zaštite.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINA SREBRENİK
-Općinski načelnik-

OPĆINSKI NAČELNIK

dr. sci. Omerović Nihad, s.r.

Broj: 07-1693/15

Datum: 30.12.2015.